

UNDANG-UNDANG TUBUH KERAJAAN NEGERI PERLIS

50. Mana-mana orang itu tiada boleh semasa menjadi ahli Dewan Negeri bagi lebih daripada satu kawasan pilihan raya:

51. (1) Jika mana-mana ahli Dewan Negeri itu tiada layak menjadi ahli didalam Dewan Negeri maka tempatnya hendaklah menjadi kosong.

(2) Jika mana-mana orang yang tiada layak menjadi Ahli Dewan Negeri itu dipilih menjadi ahli Dewan Negeri atau jika pemilihan itu bercanggah dengan Perkara 50 maka pilihan itu hendaklah terbatal.

(3) *(Dipotong oleh En. No. 2/1964).*

(4) Mana-mana orang itu tiada boleh dilantikkan dengan sah bagi pilihan untuk Dewan Negeri dengan tiada persetujuannya.

52. Mana-mana ahli Dewan Negeri itu boleh berhenti daripada menjadi ahli dengan membuat surat yang ada tandatangannya yang dialamatkan kepada Speaker.

53. Jika mana-mana ahli Dewan Negeri tiada hadir didalam Dewan dengan tiada kebenaran Speaker bagi dua kali mesyuarat berturut-turut maka tempatnya itu menjadi kosong.

54. Jika berbangkit apa-apa soalan pasal adakah mana-mana ahli Dewan Negeri itu tidak layak menjadi ahli maka hendaklah diambil keputusan Dewan dan itulah muktamad:

Dengan syarat bahawa Perkara ini tidak boleh ditafsirkan sebagai menghalang Dewan menengguhkan sesuatu keputusan supaya langkah-langkah

(termasuk langkah-langkah membatalkan hilang kelayakan itu) yang mungkin menyentuk keputusannya boleh diambil atau ditamatkan.

55 (1) Maka hendaklah Raja Pemerintah dari suatu masa ke suatu masa memanggil Dewan Negeri dan tiada boleh dibiarkan lucut tempohan enam bulan di antara mesyuarat yang lepas di dalam satu persidangan dengan tarikh yang dipertetapkan bagi mesyuarat yang pertama bagi persidangan yang akan datang.

(2) Berkuasalah Raja Pemerintah boleh menghentikan atau memansuhkan Dewan Negeri.

(3) Dewan Negeri itu melainkan jika dimansuhkan terdahulu lagi hendaklah berjalan terus selama lima tahun daripada tarikh mesyuaratnya yang pertama dan hendaklah termansuh diujung tempoh itu.

(4) Apakala Dewan Negeri dimansuhkan maka hendaklah diadakan pilihan raya di dalam tempohan enam puluh hari daripada tarikh yang dimansuhkannya dan hendaklah dipanggil Dewan Negeri yang baharu bagi mengadakan mesyuaratnya pada tarikh yang tidak lewat daripada satu ratus dua puluh hari daripada tarikh itu.

(5) Sesuatu kekosongan luar jangka hendaklah diisi dalam tempoh enam puluh hari dari tarikh dipastikan oleh Suruhanjaya Pilihan Raya bahawa ada kekosongan:

Dengan syarat bahawa jika kekosongan luar jangka itu dipastikan pada suatu tarikh dalam masa dua tahun dari tarikh Dewan Negeri hendaklah, mengikut fasal (3) menjadi bubar, maka kekosongan luar jangka itu tidak boleh diisi melainkan jika Speaker memberitahu Suruhanjaya Pilihan Raya secara bertulis

bahawa kekuatan dari segi bilangan parti yang membentuk majoriti semua ahli Dewan Negeri terjejas oleh kekosongan itu, dan dalam keadaan itu kekosongan itu hendaklah diisi dalam masa enam puluh hari dari tarikh pemberitahuan itu diterima.

48. Tiap-tiap rakyat yang berumur 21 tahun atau lebih yang tinggal di dalam Negeri ini layak menjadi Ahli Dewan Negeri melainkan jika ditegah ia menjadi ahli oleh Undang-Undang Tubuh Kerajaan Negeri ini atau oleh mana-mana undang-undang yang tersebut di dalam Perkara 49.

49. (1) Setakat yang tiada bercanggah dengan syarat-syarat perkara ini maka tiada lulus mana-mana orang menjadi Ahli Dewan Negeri ini jika:

- (a) Ia berkeadaan dan telah didapati atau dinyatakan tiada sempurna akal.
- (b) Ia seorang muflis (bankrupt) yang belum dilepaskan.
- (c) Ia memegang jawatan yang mendatangkan keuntungan.
- (d) Setelah diangkat untuk masuk pemilihan bagi Parlimen atau Dewan Negeri atau setelah ia menjadi wakil pilihan bagi orang yang diangkatkan itu ia tiada menghantarkan penyata perbelanjaan pilihan yang dikehendaki oleh undang-undang di dalam tempohan dan mengikut cara yang dikehendaki itu.
- (e) Ia telah diputuskan salah oleh Mahkamah di dalam Persekutuan (atau sebelum hari Malaysia, di dalam wilayah-wilayah yang terkandung di dalam negeri-negeri Sabah, Sarawak atau Singapura) dan dihukum penjara selama tiada kurang daripada setahun atau denda tidak kurang daripada dua ribu ringgit dan

belum mendapat ampun.

- (f) Ia tertegah menurut mana-mana undang-undang yang berkenaan dengan kesalahan bersangkutan dengan pilihan untuk salah satu Parlimen atau untuk Dewan Negeri dengan kerana diputuskan salah fasal kesalahan itu atau didapati salah di dalam pendakwaan yang bersangkutan dengan pilihan berkenaan dengan perbuatan yang membuktikan kesalahan itu atau
- (g) Ia dengan kehendaknya memperolehi kerakyatan atau menjalankan hak kekuasaan kerakyatan di dalam negeri asing atau membuat kenyataan mengaku taat setia kepada negeri asing.